

1. En general

Las explicaziuns qua sutvert sa refereschan a las **entradas or d'activitat da gudogn independenta** ed a **la facultad da fatschenta**.

A la declaraziun da taglia ston vegnir aggiuntads:

- **il quint annual suittascrit** (bilantscha e quint da gudogn e da perdita).
- formular **persunas cun activitat da gudogn independenta cun contabilitad commerzials** (**formular 8a**) u formular **persunas cun activitat da gudogn independenta senza contabilitad commerzials** (**formular 8b**) u formular **activitat da gudogn independenta, medis, dentists e veterinaris** (**formular 8c**) u formular **activitat da gudogn independenta, advocats, notars, agents da fatschenta, cussegliaders da taglia** (**formular 8d**) u formular **activitat da gudogn independenta, inschigners, architects, geometers e dissegnaders da** (**formular 8e**) u formular **agricultura ed economia forestala cun contabilitad commerzials u cun registraziuns** (**formular 9a**) u formular **agricultura ed economia forestala manaschis pitschens cun contabilitad simplifitgada** (**formular 9b**) u formular **viticultura senza torclar sez** (**formular 9c**).

Sche betg cuntegnì en il quint annual, supplementarmain:

- formular **amortisaziuns e retenziuns** (**formular 8f**) u extracts correspondents dal conto.
- extracts da tut ils **contos privats e d'agen chapital**.
- **glistas dals debiturs e crediturs**.
- glista da las **lavurs cumentzadas**.

1.1 Retratgas en natralias, deducziun dal salari en natralias e parts privatas vi dals custs da la fatschenta

Las retratgas da rauba en l'agen manaschi, las parts privatas vi dals custs, la part privata vi dals salaris dal personal da fatschenta, la part privata vi dals custs da l'auto sco er la part vi dal pretsch custant per ils salaris en natralias dals lavurants ston vegnir fixadas per las persunas cun activitat da gudogn independenta sin fundament da las tariffas tenor il **fegl d'infurmaziun N 1/2007**, per ils purs tenor il **fegl d'infurmaziun NL 1/2007**. En las tariffas n'è betg resguardada la retratga da products da tubac. En cas correspondentes sto el vegnir resguardà separadament per fimadra u per fimader. La part privata vi dals custs da l'auto po vegnir eruida ubain sin fundament dals custs effectivs cun agid da la part da kilometers cumprovada e charrada privatamente ubain cun agid d'ina pauschala da 0.8% dal pretsch da cumpra (excl. TPV) dal vehichel da fatschenta, almain dentant cun 150.– francs per mais e per vehichel. Sche la part privata vegn eruida pauschalmente, sto vegnir cumprovà il pretsch da cumpra (copia dal contract da cumpra da quel vehichel, cun il qual èn vegnids fatgs ils viadis privats). Sch'i vegn midà il vehichel, sto puspè vegnir cumprovà il nov pretsch da cumpra. La part privata vi da chavals sa drizza tenor las valurs directivas da la conferenza da coordinaziun (ART).

1.2 Valur da locaziun da l'atgna abitaziun

Sco valur da locaziun brutta d'immobiglias u da parts d'immobiglias abitadas sez vala la valur da martgà, q.v.d. quella valur che la proprietaria u il proprietari ubain che la giudidra u il giudider obtegness, sch'ella u el affittass l'object. La valur da locaziun da l'abitaziun da la manadra u dal manader dal manaschi puril sa chatta per regla en la stimaziun uffiziala. Sche las cundiziuns per ina valitaziun tenor l'ordinaziun davart il tschains agricul n'en betg ademplidas, è decisiva la valur da martgà. La reducziun da la valur da locaziun per l'immobiglia abitada permanentemente sez al lieu da domicil importa tar il chantun 30% e per tut las immobiglias utilisadas sez tar la confederaziun 20%. Questa reducziun sto vegnir declarada tar las immobiglias da fatschenta sin il **formular immobiglias** (**pagina 1, cifra 2**) e suenter transportada sin il **formular principal** (**pagina 2, cifra 7.4**).

1.3 Amortisaziuns e retenziuns

Las amortisaziuns, las retenziuns e las reservas per ils custs da perscrutaziun e da svilup sa drizzan tenor il **fegl d'infurmaziun davart amortisaziuns e retenziuns**. Las tariffas d'amortisaziun per singulas posiziuns dal bain funsil dals manaschis purils stattan en il **fegl d'infurmaziun A/2001**.

Ils fecls d'infurmaziun pon vegnir retratgs gratuitamente tar l'autoritat da taxaziun u chargiads giu da la pagina d'internet da l'administraziun chantunala da taglia www.stv.gr.ch, "Dokumentation", "Wegleitung und Merkblätter", ubain "Praxis", "Einkommens- und Vermögenssteuern", LT art. 32 al. 1 sco er da www.estv.admin.ch, "Direkte Bundessteuer", "Merkblätter".

1.4 Prevenziun professiunala (2. pitga)

Las contribuziuns da las persunas cun activitat da gudogn independenta per lur atgna prevenziun professiunala e per quella da lur conjugals u partenaris che collavuran cun ellus dastgan vegnir engreviadas mo en la dimensiun da la **part dal patrun** dal quint annual, pia da quella part ch'il patrun paja normalmain per ses persunal. Sch'i na dat nadin persunal, vala la mesedad da las contribuziuns sco part dal patrun. Il rest vala sco **part dal lavurant** è sto vegnir deducì sin il **formular principal (pagina 3, cifra 13)**. Contribuziuns d'augment e pajaments posteriurs per la cumpra d'onns da contribuziun ston vegnir repartids en la medema proporziun e deducids da la taglia.

1.5 Prevenziun voluntara (pitga 3a)

Las contribuziuns per l'atgna prevenziun liada a la pitga 3a na dastgan betg vegnir engreviadas al manaschi, q.v.d. ellus n'en betg custs per realisar il gudogn e pon pia mo vegnir deducidas sut la cifra correspontenta sin il **formular principal (pagina 3, cifra 14)**. Ina deducziun per il conjugal che collaura è mo admissibla, sch'ina entrada da gudogn ch'è suittamessa a l'obligaziun da pajar AVS vegn declarada. Per questa entrada sto vegnir agiuntà in attest da paja a la declaraziun da taglia.

Las deducziuns vegnan mo concedidas, sch'ils attests correspontents vegnan agiuntads a la declaraziun da taglia.

1.6 Entradas che derivan da participaziuns qualifitgadas da la facultad da fatschenta

Dividendas, parts da gudogn, surpris da liquidaziuns ed avantatgs finanzials or d'acrias, or da parts da societads cun responsabladad limitada, or da parts d'associaziuns e da certificats da participaziun sco er gudogns che derivan da l'alienaziun da tals dretgs da participaziun ston vegnir suittamess a la taglia en la dimensiun da 50% suenter la deducziun dals custs imputabels, sche queste dretgs da participaziun represchentan almain 10% dal chapital da basa u da tschep d'ina societad da chapital u d'ina associazion.

L'imposiziun parziala da gudogns che derivan d'ina alienaziun vegn concedida mo, sch'ils dretgs da participaziun alienads èn stads durant almain in onn en la proprietad da la persuna ch'è obligada da pajar taglia u da l'interpresa da persunas.

Ils retgavs che derivan da participaziuns qualifitgadas da la facultad da fatschenta ston vegnir declarads en il register da las vaglias. En quest connex sto vegnir observà il suandard:

Per la procedura d'imposiziun parziala sto il resultat net da las participaziuns qualifitgadas en la facultad da fatschenta vegnir eruì tenor princips commerzials. Per quest intent sto vegnir fatg in **quint tenor spartas** da tut las participaziuns qualifitgadas, q.v.d. er da quellas senza retgav. Il quint tenor spartas cumpiglia tut las entradas or da participaziuns qualifitgadas. Da queste retgavs da participaziun ston vegnir deducids tut ils custs imputabels. Per far il **quint tenor spartas** metta l'administraziun federala da taglia a disposiziun in **model per il program da microsoft excel**. Questa datoteca e la **circulara nr. 23** pertutgant "participaziuns en la facultad da fatschenta e participaziuns declaradas sco facultad da fatschenta che vegnan suittamessas parzialmain a la taglia" cun ulteriuras indicaziuns e cun ulteriurs exempels pon vegnir chargiadas giu da la pagina d'internet da l'administraziun federala da taglia (www.estv.admin.ch). Sch'i resultan perditas or da participaziuns qualifitgadas, pon quellas vegnir resguardadas mo proporzionalmain (per detagls cfr. la circulara menziunada nr. 23). Ils imports ch'en vegnids eruids en il quint tenor spartas ston vegnir transferids correspontentamain en il **register da las vaglias (pagina 3, cifra 5)**.

1.7 Deducziun per conjugals cun in'activitat da gudogn dubla

Tar il **chantun** po la deducziun per conjugals cun in'activitat da gudogn dubla vegnir fatga valair, sche tuts dus conjugals u partenaris han in'entrada da gudogn. La deducziun è 600.– francs.

Tar la **confederaziun** importa la deducziun per conjugals cun in'activitat da gudogn dubla 50% da l'entrada da gudogn pli bassa da las duas persunas ch'en suittamessas communablamaain a la taglia, minimalmain 8'100.– francs e maximalmain 13'400.– francs. Sco entrada da gudogn valan las entradas or d'ina activitat da gudogn dependenta u independenta ch'en suittamessas a la taglia suenter la deducziun da las expensas ch'en resultadas per quest intent (expensas professiunala, custs per realisar il gudogn) sco er da las contribuziuns a la prevenziun professiunala (pitga 2) ed a l'atgna prevenziun liada (pitga 3a). Sche l'entrada da gudogn pli bassa che vegn calculada uschia importa main che 8'100.– francs, po vegnir deducì mo quest import parzial.

La deducziun per conjugals cun in'activitat da gudogn dubla vegn concedida er en cas d'ina **collavuraziun considerabla** d'in conjugal u partenari en il manaschi, en la fatschenta u en l'industria da l'auter conjugal u partenari. A mintga conjugal u partenari vegn attribuida la mesedad da l'entrada da gudogn communabla. Ina repartiziun divergente sto vegnir cumprovada dals conjugals u partenaris. La collavuraziun è considerabla, sch'ella vegn prestada regularmain ed en ina dimensiun considerabla e sch'i stuess vegnir pajà ina paja persuenter ad ina terza persuna, ina paja che corrispondess almain a l'import da la deducziun.

Exempels per la deducziun per conjugals cun in'activitat da gudogn dubla tar la confederaziun:

- Entradas or d'activitat da gudogn independenta,**
collavuraziun da conjugals / partenaris en l'agen manaschi
cun attest da paja

	Exempel A fr.	Exempel B fr.	Exempel C fr.	Exempel D fr.
Entrada or d'activitat da gudogn independenta	197'832	197'832	197'832	16'000
./. contribuziuns pitga 3a	- 33'408	- 33'408	- 33'408	- 3'200
Total da las entradas or d'activitat da gudogn independenta	164'424	164'424	164'424	12'800
Paja netta conjugal resp. partenari tenor attest da paja	33'466	18'000	8'000	34'566
./. expensas professiunalas pauschalas, (3%, min. 2'000.– fr., max. 4'000.– fr.)	- 2'000	- 2'000	- 2'000	- 2'000
./. contribuziuns pitga 3a	- 6'682	¹⁾ - 3'600	- 1'600	- 6'682
Total da las entradas dal conjugal resp. dal partenari or dal manaschi	24'784	12'400	4'400	25'884
Import decisiv per calcular la deducziun	24'784	12'400	4'400	³⁾ 12'800
Deducziun per conjugals cun in'activitat da gudogn dubla (50%, min. 8'100.– francs, max. 13'400.– francs)	12'392	8'100	²⁾ 4'400	8'100

¹⁾ Paja brutta sut l'obligatori tenor LPP da 20'880.– francs. Pia nagina deducziun da la 2. pitga. La deducziun da la 3. pitga a 20% da l'entrada da gudogn.

²⁾ Sche l'entrada da gudogn pli bassa che vegn calculada importa main che 8'100.– francs, po vegnir deduci mo quest import parzial.

³⁾ Decisiva è l'entrada pli bassa da las entradas dals dus conjugals u partenaris, en quest cas entradas da persunas cun activitat da gudogn independenta.

- Entradas or d'activitat da gudogn independenta,**
collavuraziun da conjugals / partenaris en l'agen manaschi
senza attest da paja

	Exempel E fr.	Exempel F fr.	Exempel G fr.	Exempel H fr.
Entrada or d'activitat da gudogn independenta	197'832	50'000	12'000	16'000
Entradas or d'in gudogn accessoric d'ina activitat da gudogn dependenta				20'000
./. expensas professiunalas pauschalas				- 2'400
./. contribuziuns pitga 3a	- 33'408	- 10'000		- 6'400
Total da las entradas (senza gudogn accessoric dal conjugal resp. dal partenari)	164'424	40'000	12'000	27'200

Las entradas che vegnan attribuidas **al conjugal resp. al partenari** e che derivan da l'agen manaschi (50%)

Entrada or d'in gudogn accessoric dal conjugal resp. dal partenari	82'212	20'000	6'000	²⁾ 8'000
./. expensas professiunalas pauschalas				4'000
./. contribuziuns pitga 3a				³⁾ - 800
Total da las entradas dal conjugal resp. dal partenari	82'212	20'000	6'000	- 2'400

Import decisiv per calcular la deducziun

Import decisiv per calcular la deducziun	82'212	20'000	6'000	8'800
Deducziun per conjugals cun in'activitat da gudogn dubla (50%, mind. 8'100.– francs, max. 13'400.– francs)	13'400	10'000	¹⁾ 6'000	⁴⁾ 8'100

¹⁾ Sche l'entrada da gudogn pli bassa che vegn calculada importa main che 8'100.– francs, po vegnir deduci mo quest import parzial.

²⁾ ½ da las entradas totalas or da l'activitat da gudogn independenta.

³⁾ Deducziun da 20%, min. 800.– francs.

⁴⁾ 50% 4'400.– francs, dentant min. 8'100.– francs.

2. Taglia sin las entradas

2.1 En general

Las entradas or d'ina activitat da gudogn independenta che vegnan suttamessas a la taglia, vegnan valitadas da principi tenor las entradas en la perioda fiscala. Sche la bilantscha na vegn dentant betg fatga per la fin da l'onn, mabain en il decurs da la perioda fiscala, vegni sa basà sin l'onn da gestiun ch'è vegni concludi en la perioda fiscala. Ulterioras infurmaziuns davart particularitads da la valitazion temporala en cas d'activitat da gudogn independenta sa chattan sut www.stv.gr.ch, "Praxis", "Einkommens- und Vermögenssteuer", LT 66.

2.2 Entradas or d'ina activitad da gudogn independenta

Las entradas tenor il quint da gudogn e perdita resp. dal **formular persunas cun activitad da gudogn independenta (formulars 8a fin 8e)** u dal formular **agricultura e selvicultura sco er viticultura (formulars 9a fin 9c)** ston vegnir declaradas sin il **formular principal (pagina 2, cifras 2.1 fin 2.4)**.

Ils gudogns da liquidaziun cur che l'activitad da gudogn independenta vegn bandunada suenter il 55avel onn da vegli-adetgna cumplenì u pervia d'invaliditat ston vegnir suttamess separadament a la taglia tenor ils art. 40b LT e 37b LTFD resp. ston vegnir zavrads dal gudogn independent ordinari e ston vegnir declarads separat sin il formular 10a. Per renviaments pli precis cfr. **cifra 2.8**.

2.3 Custo per realisar il gudogn

Da las entradas or d'ina activitad da gudogn independenta pon vegnir deducids ils custo ch'en necessaris per realisar il gudogn. Custo per realisar il gudogn che na pon betg vegnir deducids èn ils tschains da l'agen chapital, ils custo per cumprar u per megliorar objects privats da facultad, l'amortisaziun da debits, las taglias sin las entradas e sin la facultad, expensas privatas (p.ex. custo privats da tegnairchasa da la u dal pajataglia e da sias confamigliaras e da ses confamigliars) sco er las parts da las expensas da fatschenta che pertutgan intents privats (p.ex. ils custo da l'auto, ils salaris dal personal, il stgaudament, il nettegiament, il telefon e.u.v.).

2.4 Contribuziuns persunalas a la AVS

Las contribuziuns persunalas a la AVS cudeschadas na ston **da nov** betg pli vegnir inscrittas en la decleraziun da taglia, pervia da quai n'ha il formular er nagina colonna corrispondenta pli. Sin dumonda da la cassa da compensaziun ston questas indicaziuns vegnir cumpradas posteriurament en il cas singul.

Las entradas nettas or da l'activitad da gudogn independenta ch'en vegnidas eruidas per imponer la taglia federala directa vegnan annunziadas a las cassas da compensaziun per fixar las contribuziuns a las assicuranzas socialas.

2.5 Premias d'assicuranza

Las premias per las assicuranzas – cassa da malsaus, tgira da malsaus ed incapacitat da gudagnar – èn adina expensas privatas. Las premias per las assicuranzas da vita (ristga da mort e part da respargn) valan medemamain sco expensas privatas (excepziun: part da las premias per ristga da mort en quella dimensiun che l'assicuranza serva a garantir credits da fatschenta – las prestaziuns d'assicuranza respectivas valan qua alura sco rendita da fatschenta).

Las premias da l'assicuranza da manaschi, da l'assicuranza cunter accidents ordaifer la professiun, da l'assicuranza da malsaus e da l'assicuranza da diaria per accidents pon vegnir fatgas valair adina sco custo da fatschenta tar las personas cun activitad da gudogn independenta e tar lur confamigliaras e confamigliars che collavuran en il manaschi, sche queste ultims survegnan ina paja facturada cun la AVS u sch'els (er suttamess a la AVS) èn participads al gudogn (divisiun da las entradas).

Las premias d'assicuranza privatas ston vegnir declaradas sin il formular "premias d'assicuranza" (formular 5). Las premias d'assicuranza che valan sco custo da fatschenta ston vegnir fatgas valair en la contabilitad u, sche l'obligaziun da manar ina contabilitad manca, sin il formular respectiv per personas cun activitad da gudogn independenta (formulars 8b fin 8e) u per agricultura e per selvicultura sco er per viticultura (formulars 9a fin 9c).

2.6 Entradas or da societads da persunas

Las entradas or da societads collectivas e commanditaras sco er or da societads simplas (p.ex. societads da construcziun) ston vegnir declaradas sin il **questiunari per societads da persunas (formular 11e)**.

Las contribuziuns persunalas per la AVS/AI/CG da las personas participadas a societads collectivas e commanditaras ston vegnir engreviadas a la societat, quellas da las personas participadas a societads simplas (p.ex. societads da construcziun) en la decleraziun da taglia persunala da l'associà respectiv.

Las personas associadas u participadas ston declarar lur parts vi da las entradas or da la societat en la **decleraziun da taglia persunala** sin il **formular principal (pagina 2, cifra 2.2 u cifra 2.3)**.

2.7 Entradas or dal gudogn accessoric independent

L'entrada or dal gudogn accessoric independent sto vegnir declarada sin il **formular principal (pagina 2, cifra 2.4)**. Sch'i na vegn betg manada ina contabilitad, ston las registraziuns davart las activas e las passivas, davart las entradas e las expensas (custos da rauba ed expensas da manaschi) sco er davart las prelevaziuns privatas ed ils apports privats vegnir agiuntads a la decleraziun da taglia e cumprovads cun mussaments, sche quai vegn pretendi.

2.8 Entradas or da gudogns da liquidaziun tenor l'art. 40b LT e l'art. 37b LTFD

• En general / bása legala

Sche l'activitad da gudogn independenta vegn bandunada definitivamain suenter il 55. onn cumplenì u sch'ins è **incapabel da cuntinuar cun ella pervia d'invaliditat**, vegnan suttamessas a la taglia tenor l'art. 40b LT e l'art. 37b LTFD – en moda **privilegiada** – las reservas zuppadas ch'en vegnididas realisadas durant ils ultims 2 onns ensemes, dentant **separadomain** da las ulteriuras entradas.

Sch'ina persuna cun activitad da gudogn independenta mora, pon la conjugala surviventa u il conjugal survivent, las ulteriuras ertavlas ed ils ulteriurs ertavels sco er las legatarias ed ils legataris proponer tenor l'art. 40b alinea 2 LT resp. art. 37b alinea 2 LTFD – empè dal testader – da suttametter ils gudogns da liquidaziun ad ina imposiziun privilegiada. La premissa è ch'els na cuntinueschan betg cun l'interpresa surpigliada e ch'il testader adempliva las premissas per ina imposiziun privilegiada dals gudogns da liquidaziun il mument da sia mort.

Da princip poi vegnir renvià a la circulara nr. 28 da l'administraziun federala da taglia concernent l'imposiziun dals gudogns da liquidaziun en cas che l'activitad da gudogn independenta vegn bandunada definitivamain.

Per declarar il gudogn da liquidaziun e per far valair las deducziuns respectivas admissiblas sto vegnir duvrà il **formular 10a**.

• L'activitad da gudogn independenta vegn bandunada definitivamain

L'abandun definitiv da l'activitad da gudogn independenta suenter il 55avel onn da vegliadetgna cumplenì sto esser collià cun ina cessiun **totala** da l'activitad da gudogn independenta u cun ina midada ad ina activitad da gudogn dependenta. Quai ha per consequenza che las parts da facultad che servan a l'activitad da gudogn independenta vegnan alienadas, liquidadas u transferidas en la facultad privata.

• Invaliditat

Ina invaliditat è avant maun, sch'i vegnan pajadas prestaziuns tenor la lescha federala davart l'assicuranza d'invaliditat (LAI) pervia d'ina incapacitad da gudagnar totala u parziala ch'è probablament restanta u che dura per in temp pli lung. La noziun "prestaziuns" na cumpiglia betg mo rentas, mabain er autres prestaziuns da la AI sco per exemplu talas per ina rescolaziun necessaria. Sch'ina invaliditat vegn fatga valair sco motiv per l'abandun da l'activitad da gudogn independenta, sto quella esser la causa per l'abandun definitiv da l'activitad independenta.

• Mort da la persuna cun activitad da gudogn independenta

Ina imposiziun da taglia tenor l'art. 40b LT resp. art. 37b LTFD a la conjugala surviventa u al conjugal survivent, a las ertavlas ed als ertavels ubain a las legatarias ed als legataris è mo pussaivla, sch'il testader aveva ademplì las premissas per quest intent il mument da sia mort. Sch'ina persuna cun activitad da gudogn independenta mora avant che avair cumplenì il 55avel onn da vegliadetgna, n'ha ella betg ademplì las premissas che concernan la vegliadetgna il mument da sia mort. La cessiun da l'activitad da gudogn independenta pervia d'invaliditat n'è medemamain betg dada. En in tal cas na pon las ertavlas ed ils ertavels sco er las legatarias ed ils legataris betg far valair ina taxazion privilegiada dals gudogns da liquidaziun.

Las ertavlas ed ils ertavels sco er las legatarias ed ils legataris na dastgan betg exequir in'activitad da fatschenta "activa". Mo il fatg d'ademplir obligaziuns che existan il mument da la successiun d'ierta (p.ex. terminar lavurs cumenzadas) na vala betg sco cuntinuaziun da l'activitad independenta. Sche las ertavlas ed ils ertavels na cuntinueschan betg l'activitad e sch'ellas ed els na termineschan betg la liquidaziun, ha lieu a la fin dal 5avel onn chalendar suenter la mort dal testader in transferiment prescrit legalmain da las valurs da facultad en la facultad privata (art. 40b al. 2 LT resp. art. 37b al. 2 LTFD).

Sche mo ina part da las ertavlas e dals ertavels ubain da las legatarias e dals legataris cuntinuescha cun l'activitad da gudogn independenta u surpiglia las parts d'ina societat da persunas, pon las ulteriuras ertavlas ed ils ulteriurs ertavels che na cuntinueschan betg cun questa activitad far valair l'imposiziun da taglia tenor l'art. 40b LT resp. 37b LTFD sin lur part. Ellas ed els ston far valair quest dretg directamain suenter la successiun d'ierta.

• Onn da liquidaziun

L'onn da liquidaziun è l'onn da gestiun, en il qual vegn fatga l'ultima acziun da liquidaziun. Per regla è quai quel onn, en il qual è vegnida introducida l'ultima acziun d'incassament. En il cas singul pon er autres circumstanças simbolisar la fin da la liquidaziun, per exemplu cur che las activitads da cumpra e da vendita vegnan messas ad acta e/u cur ch'ils contracts da lavour cun las emploiadas e cun ils emploiads vegnan schliads.

• Fixaziun dal gudogn da liquidaziun

Il gudogn da liquidaziun vegn fixà tenor la summa da las reservas zuppadas ch'èn vegnididas realisadas ils ultims 2 onns da gestiun, main ils custs appartegnents. Tar il gudogn da liquidaziun tutgan per exemplu gudogns da chapital or da l'alienaziun da singulas valurs da facultad, gudogns or dal transferiment da valurs da facultad en la facultad privata, amortisaziuns sin bains immobiliars ch'èn puspè vegnididas appurtadas, gudogns tras la schliaziun da reservas zuppadas sin retenziuns, sin rectificaziuns da la valur e.u.v. sco er indemnisiuni che stattan en connex cun l'activitat da gudogn independenta e che pertutgan l'abandun d'ina activitat ubain il betg exequir in'activitat ubain il betg far valair in dretg.

Ils custs che ston vegnir attribuïds al gudogn da liquidaziun èn per exemplu ils custs da notariat ed ils custs dal biro fiduziari che stattan en connex cun la liquidaziun, las provisiuns d'intermediaziun, ils inserats, ils custs per l'annullaziun en il register da commerzi sco er las contribuziuns a la AVS che pertutgan il gudogn da liquidaziun. Ils surplis da perditas dal resultat ordinari da la fatschenta dals onns da liquidaziun ston vegnir resguardads cun fixar il gudogn da liquidaziun. **Las deducziuns che vegnan fatgas valair ston vegnir cumprovadas detagliadament, agiuntont ils extracts correspundents dals contos resp. ils mussaments e/u ils rendaquints.** Las perditas dals 7 onns da gestiun precedents a la perioda fiscala, che n'èn anc betg vegnididas messas a quint, ston vegnir messas a quint en emprima lingia cun il resultat da l'activitat kommerziala ordinaria. Ina perdita excedenta restanta vegn messa a quint cun il gudogn da liquidaziun. In'ulteriura perdita restanta vegn messa a quint cun las ulteriuras entradas da la perioda fiscala da l'onn da liquidaziun.

• Contribuziuns da cumpra effectivas en la prevenziun professiunala

Tenor l'art. 36 lit. e LT resp. l'art. 33 alinea1 lit. d LTFD pon las contribuziuns da cumpra en la prevenziun professiunala vegnir deducidas. Sch'ina tala cumpra vegn fatga l'onn da liquidaziun e/u l'onn precedent, vegn l'import ch'è vegni pajà deduci cun fixar las entradas ordinarias suttamessas a la taglia da la perioda fiscala. Sch'i na po betg vegnir mess a quint l'entir import da cumpra, sto in eventual import excedent vegnir mess a quint tar il gudogn da liquidaziun.

• Cumpra fictiva en la prevenziun professiunala

En general

En cas da liquidaziuns pon persunas cun activitat da gudogn independenta far ina dumonda da resguardar resp. da suttametter a la taglia ina cumpra **fictiva** independentament dal fatg, sch'ellas han fatg part d'ina instituziun da prevenziun. La cumpra fictiva po vegnir fatga valair er, sche la persuna cun activitat da gudogn independenta è affiliada ad ina instituziun da la prevenziun professiunala, ma desista dal tuttafatg u per part d'ina cumpra effectiva d'onns da contribuziun. Las cumpras (parzialas) ch'èn effectivamain vegnididas fatgas vegnan deducidas da l'import da cumpra fictiv ch'è vegni calculà. In'effectiva largia da cuvrida pli auta dal plan concret da prevenziun na vegn betg considerada per calcular la cumpra fictiva.

L'import da la cumpra fictiva vegn suttamess a la taglia sco part dal gudogn da liquidaziun, e quai per la tariffa per prestaziuns da chapital or da la prevenziun tenor ils art. 40a LT resp. 214 LTFD. Qua na datti nagina adizion cun las prestaziuns da chapital or da la prevenziun che resultan en la medema perioda.

Ina cumpra fictiva po mo vegnir fatga valair, sche l'abandun definitiv da l'activitat da gudogn independenta è capitâ avant che cumplenir il 70avel onn da vegliadetgna.

Cun la mort da la persuna (cun activitat da gudogn independenta) è resultà il cas da prevenziun, uschia ch'i n'è betg pli pussaivel da sa cumprar en l'instituziun da prevenziun. Pia na po il conjugal survivent, ils ertavels sco er ils legataris betg far valair cumpras fictivas.

Entrada decisiva

L'entrada ch'è decisiva per calcular la cumpra fictiva è la media da las entradas – suttamessas a la AVS tar la confederaziun – or da l'activitat da gudogn independenta dals ultims **5 onns da gestiun** avant l'onn da liquidaziun. Las reservas zuppadas ch'èn vegnididas realisadas l'onn avant l'onn da liquidaziun ston vegnir deducidas.

Sche l'activitat da gudogn independenta ha durà evidentamain main che 5 onns fin l'onn da liquidaziun, vegn calculada l'entrada decisiva sa basond sin il dumber effectiv dals onns da l'activitat da gudogn independenta.

Onns da contribuziun che pon vegnir quintads

Ils onns da contribuziun che pon vegnir quintads per la cumpra fictiva vegnan calculads tenor il dumber d'onns a partir dal 25avel onn da vegliadetgna cumplenì fin a la vegliadetgna da l'onn da liquidaziun, **maximalmain dentant fin l'onn chalendar, en il qual la vegliadetgna ordinaria da renta da la AVS è vegnida cuntanschida** (um 65; dunna 64).

Independentament dal fatg, sche la persuna cun activitat da gudogn independenta ha adempiì nuninterruttamain in'activitat da gudogn, vegnan adina resguardads cumplainamain ils onns a partir dal 25avel onn da vegliadetgna fin e cun l'onn da liquidaziun (dentant maximalmain fin l'onn chalendar, en il qual la vegliadetgna ordinaria da renta da la AVS è vegnida cuntanschida). L'onn da vegliadetgna cumenzà vegn quintà vitiars.

Calculaziun da la cumpra fictiva

Per calcular la cumpra fictiva ch'è maximalmain pussaivla veggia fatga ina bunificaziun da vegliadetgna sin l'entrada decisiva da 15% per onn da contribuziun che po veggir quintà. Da l'import ch'è veggì calculà en questa moda veggian deducids ils dabuns da vegliadetgna e da libra circulaziun sco er las retratgas anticipadas da la 2. pitga (cassa da pensiun) e da la pitga 3a.

Sch'ils dabuns existents da la pitga 3a da la persuna cun activitad da gudogn independenta surpassan il dabun il pli grond pussaivel tenor sia vegliadetgna or da la pitga 3a "pitschna", veggia la differenza medememain resguardada sco ina minimalisaziun da la cumpra fictiva. Per quest intent è decisiva la "Tabella per calcular il dabun da la pitga 3a il pli grond pussaivel tenor annada" che l'uffizi federal da las assicuranzas socialas (UFAS) edescha mintga onn. La tabella po veggir consultada sin la pagina d'internet dal UFAS sut www.bsv.admin.ch.

Conjugals survivents, ertavels sco er legataris na pon betg far valair ina cumpra fictiva.

• Suspensiun da l'imposiziun da taglia en cas d'affittaziuns u en cas dal transferiment d'ina immobiglia en la facultad privata

Sche, il mument da l'affittaziun, la u il pajataglia na fa betg la dumonda da transferir l'immobiglia en la proprietad privata (cfr. art. 18b al. 2 LT resp. art. 18a al. 2 LTFD), resta il manaschi en la facultad da fatschenta. En cas d'in transferiment posteriur en la facultad privata po veggir fatga valair l'imposiziun da taglia tenor l'art. 40b LT resp. l'art. 37 LTFD, sche las premissas per sia applicaziun èn ademplidas il mument dal transferiment.

En cas da l'affittaziun da manaschis agriculs sa drizza il giudicament fiscal tenor la circulara nr. 31 "Manaschis purils – suspensiun en cas d'affittaziun" da l'administraziun federala da taglia dals 22 da december 2010.

Cun transferir sin dumonda ina immobiglia da la facultad da fatschenta en la facultad privata (art. 18b al. 1 LT resp. art. 18a al. 1 LTFD) veggia suttamessa a la taglia mo la differenza tranter ils custs d'investiziun e la valur da la taglia sin las entradas (amortisaziuns puspè appurtadas). L'imposiziun dal gudogn sin l'augment da valur veggia suspendida fin a l'alienaziun da l'immobiglia. Il gudogn sin l'augment da valur è suttamess a la taxaziun ordinaria (pir) l'onn d'alienaziun sco entra or d'activitat da gudogn independenta (ensemen cun las ulteriuras entradas), e quai tant per la taglia chantunala sco er per la taglia federala directa. Tenor l'art. 19 al. 3 LT resp. l'art. 18 al. 4 LTFD na suttastat il gudogn sin l'augment da valur da bains immobigliars agriculs e forestals betg a la taglia sin las entradas, mabain a la taglia sin il gudogn tras la vendita da bains immobigliars.

Sche la persuna ch'è obligada da pajar taglia pretenda – cun bandunar definitivamain l'activitat da gudogn independenta – er ina suspensiun d'imposiziun tenor l'art. 18b al. 1 LT resp. l'art. 18a al. 1 LTFD e sche l'immobiglia respectiva veggia alienada pir suenter la fasa da liquidaziun, veggia l'imposiziun privilegiada fatga tenor l'art. 40b LT resp. l'art. 37b LTFD mo sin las amortisaziuns puspè appurtadas da questa immobiglia. Ma sch'i veggia fatg il transferiment d'ina immobiglia sco er sia alienaziun entaifer la "perioda da liquidaziun" (onn da liquidaziun ed onn precedent), veggian questas duas chaussas resguardads sco acts da liquidaziun. En quest cas furman las reservas zuppadas (amortisaziuns puspè appurtadas e gudogn sin l'augment da valur) ina part dal gudogn da liquidaziun, per il qual veggian appligads l'art. 40b LT resp. l'art. 37b LTFD.

3. Taglia sin la facultad

3.1 En general

La facultad ch'è suttamessa a la taglia veggia fixada tenor il stadi a la **fin da la perioda fiscale**. Per pajataglias cun in'activitat da gudogn independenta ston ins sa basar per la facultad da fatschenta sin il stadi a la fin da l'onn da gestiun concludì en la perioda fiscale. En cas da pliras bilantschas en la medema perioda fiscale è l'ultima decisiva.

Sco facultad da fatschenta valan tut las valurs da facultad che servan dal tuttafatg u per gronda part a l'activitat da gudogn independenta.

L'attribuziun da las immobiglias a la facultad da fatschenta u a la facultad privata veggia fatga sin fundament da la **metoda da preponderanza**, q.v.d. sin fundament da l'utilisaziun predominanta. Quai signifitgescha ch'ina immobiglia che veggia utilisada **a passa 50% per intents da fatschenta**, represchenta facultad da fatschenta. Sche l'immobiglia veggia utilisada a 50% per intents privats ed a **50% per intents da fatschenta**, sto ella veggia attribuida a la **facultad privata**, perquai che l'utilisaziun per intents da fatschenta n'è betg predominanta. I nè betg admess da far amortisaziuns sin immobiglias da la facultad privata. La metoda da preponderanza vala er en connex cun outras activas che veggian utilisadas tant per intents da fatschenta sco er per intents privats.

3.2 **Valur fiscale da las immobiglias da fatschenta**

En connex cun las immobiglias da fatschenta vegn calculada la valur fiscale sin fundament da l'ultima stimaziun uffiziala.

- Per **immobiglias per gronda part industrialas** vala la media da la valur da rendita e da la valur commerziala sco valur fiscale [(valur commerziala + valur da rendita) : 2].
- Per **immobiglias d'abitar e da fatschenta** vala la media da la valur commerziala plus il dubel da la valur da rendita sco valur fiscale [(valur commerziala + 2 x valur da rendita) : 3].
- Per **hotels** vegn fatga ina calculaziun separada. Ella vegn fatga d'uffizi tras l'autoritad da taxaziun.
- Per **immobiglias che vegnan utilisadas per intets agriculs e forestals** (incl. abitaziun da la manadra u dal manader dal manaschi, sch'ella è suttamessa a l'ordinazion davart il tschains agricul) vala la **valur da rendita** sco valur fiscale, sche'ils funs crodan sut il dretg funsil pural.

3.3 **Vaglias da la facultad da fatschenta**

Questas vaglias ston vegnir inditgadas en il **register da las vaglias e dals credits (formular 2)** en la colonna corrispondenta cun "01". Decisiva e la valur da facultad da l'onn da gestiun ch'è vegni serrà entaifer la perioda fiscale.

3.4 **Valitaziun dal muvel e da las provisiuns**

La valitaziun vegn fatga per regla tenor las directivas da la conferenza da coordinaziun (ART). Las valurs las pli frequentas vegnan publitgadas sin il fegl d'infurmaziun davart la valitaziun dal muvel e da las provisiuns. Il fegl d'infurmaziun pon vegnir retratg gratuitamain tar l'autoritad da taxaziun u chargià giu da la pagina d'internet da l'administraziun chantunala da taglia www.stv.gr.ch, "Dokumentation", "Wegeleitungen und Merkblätter".

3.5 **Autras activas da fatschenta**

Las valurs cudeschadas tenor la bilantscha valan sco valurs fiscales.

3.6 **Participaziun a societads simplas, collectivas e commanditaras**

La valur fiscale sto vegnir transferida dal **questiunari per societads da persunas (formular 11e)**. Las persunas associadas u participadas ston declarar lur parts da la facultad da la societat en la **declaraziun da taglia persunala** sin il **formular principal (pagina 4, cifra 30.3 resp. 30.4)**.

3.7 **Debits da fatschenta**

Las passivas da fatschenta ston vegnir inscrittas sin il **formular register dals debits (formular 4)** tenor la bilantscha e declaradas sin il **formular principal (pagina 4, cifra 34.1)**.

4. Obligaziuns da procedura

4.1 **Obligaziun da manar ina contabilitad**

Per fixar l'obligaziun da manar ina contabilitad en il dretg fiscal sa basan ins sin las prescripziuns dal dretg commerzial. En il senn dal DO 957 ss. è obligà da manar ina contabilitad, tgi che sto laschar inscriver sia firma en il register da commerzi. Decisiva è pia l'obligaziun d'inscripziun, betg l'inscripziun sco tala. Obligà da laschar inscriver è tgi che maina in manaschi da commerzi u da fabricaziun ubain in auter manaschi che vegn manà en moda commerziala. Ultra da l'industria commerziala e da fabricaziun fan part dals manaschis che vegnan manads en moda commerziala er quels manaschis che cuntanschan ina svieuta che surpassa l'import da 10'000.– francs per onn.

Renconuscher la contabilitad sco basa da taxaziun adattada pretenda ch'ella vegnia manada legalmain. La contabilitad legala correspunda tant a las prescripziuns dal dretg commerzial sco er a las prescripziuns fiscales.

En cas da manaschis cun bler daner blut èsi necessari da manar in cudesch da cassa e da saldar quel regularmain. La fin da l'onn da gestiun sto er vegnir fatg in inventari, cfr. la cifra 4.2. qua sutvert.

4.2 **Obligaziun da far annotaziuns**

Pajataglias che n'èn betg obligads – tenor il dretg d'obligaziuns – da manar cudeschs da fatschenta, ston agiuntar a la decleraziun da taglia almain glistas davart las activas e las passivas, davart las entradas e las expensas (custs da rauba e da manaschi) sco er davart las prelevaziuns privatas ed ils apports privats. Ultra da quai ston veginr ademplidas las suandardas pretensiuns minimalas:

- Las **entradas** e las **expensas** ston veginr nudadas cumplettamain, cuntuadomain (di per di) ed en moda confirma a la vardad sco er – per la controlla – saldadas regularmain, almain dentant ina giada per mais (en il cudesch da cassa ina giada per emna). Las annotaziuns davart las expensas ston cuntegnair – ultra da la data e dal retschavider – er indicaziuns davart la natira da mintga expensa (gener da custs).
- Per la **fin da l'onn** (onn chalendar u onn da fatschenta) ston veginr fatgas glistas cumplettas davart las **provisiuns da rauba** e davart las **installaziuns da fatschenta** (inventaris), davart ils **dabuns da la clientella** (debiturs) sco er davart **ulteriurs dabuns** (banca, conto postal e.u.v.) e davart tut ils **debits**.

4.3 **Eruida da las entradas agriculas da manaschis pitschens cun registrazion simplifitgada (formular 9b)**

Per manaschis agriculs pitschens fin ad ina grondezza da 20 envernantas (senza manaschis spezials), en ils quals veginan manads mo ils contos respectivs da la rendita e dals custs, vala in'obligaziun facilitada da far registrazions.

Il formular 9b ch'è necessari per quest intent po veginr retratg tar l'uffizi communal da taglia.

I ston veginr ademplidas las suandardas **pretensiuns minimalas**:

- Las indicaziuns che veginan pretendidas en il formular 9b davart **las entradas e davart las expensas dal manaschi** ston esser cumplettas ed ils mussaments correspondents ordinads.
- Per la **fin da l'onn** ston veginr fatgs inventaris **detagliads** e quels ston veginr aggiuntads a la decleraziun da taglia en furma d'ina glista davart las activas e las passivas.

Sch'ils documents inoltrads n'adempleschan betg questas pretensiuns minimalas, èn dadas las premissas per ina taxaziun d'uffizi.

4.4 **Obligaziun da tegnair en salv**

Ils documents che stattan en connex cun l'activitat da gudogn independenta ed ils ulteriurs mussaments, sco ils contracts, las correspondenzas impurtantias, ils quints da cumpras, ils dubels dals quints emess, ils mussaments dal conto postal, las quittanzas da tut gener, ils cudeschs da cassa ed ils coupons e.u.v. ston veginr tegnids en salv per **10 onns**.

4.5 **Obligaziun da dar infurmaziuns**

• **Da las pajataglias e dals pajataglias**

L'autoritat da taxaziun po pretender da las pajataglias e dals pajataglias il model dals cudeschs, dals documents e dals ulteriurs mussaments ch'els possedan sco er ch'els inoltreschian mussaments e glistas ch'els ston sa procurar u far e che pon esser impurtants per la taxaziun. Las pajataglias ed ils pajataglias ston en spezial numnar a l'autoritat da taxaziun – sche quella pretendta – ils nums da las persunas, cun las qualas els han concludi acts giuridics u a las qualas els han furni prestaziuns en valor monetara; els ston infurmarr davart lur relaziuns contractualas cun questas persunas e davart las prestaziuns e las pretensiuns vicendaivlas.

• **Da terzas persunas**

Las persunas che stattan u ch'èn stadas en ina relaziun contractuala cun la pajataglia u cun il pajataglia, ston emetter – sin pretensiun da la pajataglia u dal pajataglia – in mussament davart la relaziun contractuala communabla e davart las pretensiuns e prestaziuns vicendaivlas. Sche la u il pajataglia tralascha – malgrà in'admoniziu – d'appurtar in tal mussament, è l'autoritat da taxaziun autorisada da dumandar il mussament a terzas persunas.

4.6 *Secret professiunal*

Il secret professiunal protegì da la lescha na vala betg en atgna chaussa. La u il pajataglia na po pia betg refusar – renviond a sia obligaziun da discreziun envers terzas persunas – da preschentiar sia contabilitad (che po vegnir endrizzada uschia, ch'ella garantescha la discreziun e po tuttina vegnir cumprovada) u da procurar per extracts dal conto postal u dal conto da banca e.u.v. Sch'ella u el desista – resguardond sia clientella – da preschentiar mussaments, sto ella u el surpigliar las consequenzas per la stimaziun da las entradas che resulta da quai.

4.7 *Consequenzas penales en cas d'ina contravenziun*

Las persunas cun activitad da gudogn independenta ch'èn obligadas da manar ina contabilitad, ma che n'inoltreschan betg ina bilantscha cun la decleraziun da taglia u che n'èn betg en il cas da preschentar – sin pretensiun da l'autoritat da taxazien – ina contabilitad manada regularmain, violeschan lur obligaziun envers la procedura fiscala. Il medem vala per las persunas cun activitad da gudogn independenta che n'èn betg obligadas da manar ina contabilitad, ma che tralaschan d'agiuntar las glistas menziunadas a lur decleraziun da taglia u da las inoltrar posteriuramain sin pretensiun da l'autoritat da taglia. Sche las entradas effectivas or da l'activitad da gudogn independenta na pon betg vegnir eruidas, ston ellas vegnir stimadas tenor appreziar confurm a l'obligaziun suenter ch'ina procedura d'admonizioni n'ha betg gi success.

Dal rest po la violaziun da l'obligaziun envers la procedura fiscala vegnir chastiada sco cuntravenziun fiscala ed i po vegnir disponida ina multa da fin 1'000.– francs, en cas grevs u en cas da repetiziun da fin 10'000.– francs.

Ina decleraziun da taglia emplenida cumplettamain e che cuntegna tut las agiuntas permetta da far la taxaziun senza stuair dumandar scleriments stentus e senza stuair far cundiziuns.

Nus As engraziain per Vossa collavuraziun.

Administraziun da taglia dal Grischun